



Aula Profesional Ecoade

Co comezo do segundo cuadrimestre, presentouse a programación da Aula Profesional para os vindeiros meses.

O alumnado terá a oportunidade de asistir a diferentes cursos de temáticas diversas: Power Bi, Analítica de datos con R ou Introducción á xestión integral da empresa cun ERP (Libra).

Así mesmo, ofertaranse catro talleres. Dous enfocados a orientar ao alumnado de cara a un proceso selectivo: *Supera un proceso de selección* e *O contacto profesional coa empresa*, un terceiro adicado a traballar técnicas para falar en público e outro sobre ferramentas para o estudo.

Ademais, como ven sendo habitual, ao longo do cuadrimestre desenvolverase o Ciclo de Conferencias Aprendendo das empresas/institucións e o Cineforum: Empresa, Economía e Sociedade.

Por último, como peche as actividades da Aula Profesional do curso 23/24, realizarase unha visita á corporación Hijos de Rivera.

USC

FACULTADE DE CIENCIAS ECONÓMICAS E EMPRESARIAIS

Aula profesional ECOADE

2º cuadrimestre 2023/24

Curso: Power Business Intelligence (1 ECTS)
Febreiro-Marzo

Taller: Falar en público
6 de marzo

Taller: Ferramentas para o estudo
13 de marzo

Curso: Analítica de datos con R
Marzo e abril

Curso: Introducción á xestión integral da empresa cun ERP (Libra)
Abril-Maio

Taller: Supera un proceso de selección
16 de abril

Taller: O contacto profesional coa empresa
24 de abril

Ciclo de Conferencias: Aprendendo das empresas/institucións
Ao longo de todo o cuadrimestre

Cineforum: Empresa, Economía e Sociedade
Ao longo de todo o cuadrimestre

Visita a Corporación Hijos de Rivera
Maio

Máis información e inscricións a través do teu correo @rai.usc.es e en ecoade.aulaprofesional@usc.es

Cineforum: Empresa, Economía e Sociedade

Durante o mes de febreiro proxectáronse dúas novas películas do Ciclo de Cine da facultade. Así, o 6 de febreiro, o alumnado puido ver *The Young Karl Marx* e debatir posteriormente sobre a vida dun dos científicos sociais de maior relevancia do século XIX e o 20 de febreiro proxectouse o filme titulado *Brexit*, co obxecto de afondar no histórico referendo do Brexit, que culminou na decisión do Reino Unido de abandonar a Unión Europea.

THE YOUNG KARL MARX

AUGUST DIEHL

A FILM BY RAHUL PEER

USC

FACULTADE DE CIENCIAS ECONÓMICAS E EMPRESARIAIS

CINEFORUM

Empresa
Economía
Sociedade

The young Karl Marx

Proxección e coloquio

6 de febreiro | 18H00

Salón de Graos, Facultade de Ciencias Económicas e Empresariais

BREXIT

BENEDICT CUMBERBATCH

TARGET VOTERS
DIVIDE NATION
DISRUPT SYSTEM

MEET THE MAN WHO ALTERED THE HISTORY OF BRITAIN

AN HBO FILM

1.19 9PM

HBO

USC

FACULTADE DE CIENCIAS ECONÓMICAS E EMPRESARIAIS

CINEFORUM

Empresa
Economía
Sociedade

Brexit: The Uncivil War

Proxección e coloquio

20 de febreiro | 18H00

Salón de Graos, Facultade de Ciencias Económicas e Empresariais

USC
UNIVERSIDADE
DE SANTIAGO
DE COMPOSTELA

FACULTADE DE CIENCIAS ECONÓMICAS
E EMPRESARIAIS



Aula Profesional Ecoade

Aprendendo das empresas e institucións

No marco do ciclo de conferencias *Aprendendo das empresas e Institucións* da Aula Profesional, o 21 de febreiro tivemos na facultade a Ángel Lamas, director de exportación en Torre de Nuñez, que explicou ao alumnado participante a evolución desta empresa familiar, os pasos a seguir para definir e implantar unha estratexia de internacionalización e as habilidades principais que deben ter para dedicarse no seu futuro profesional ao mundo do comercio exterior.



Así mesmo, o 28 de febreiro tivemos a oportunidade de asistir a unha moi interesante charla do exalumno da facultade Gerardo Díaz Casal, sobre as principais funcións que se desempeñan na área fiscal dunha empresa e que están relacionadas co cumprimento tributario en numerosos momentos da vida dunha empresa, como a liquidación do imposto de sociedades dentro do calendario fiscal, pero que tamén se refiren á planificación fiscal, que axuda a tomar decisións empresariais eficientes tendo en conta esta perspectiva.



ECONTADE

Xornal da Facultade de Ciencias Económicas e Empresariais



Programa A Ponte

O 30 e 31 de xaneiro e o 1 e 2 de febreiro, no marco do programa A Ponte recibimos 560 estudantes de secundaria que viñeron interesarse polas titulacións do noso centro. Ofrecéuselles unha charla de benvida destacando os elementos máis relevantes do noso centro e dos nosos estudos. Ademais, os/as estudantes visitaron as nosas instalacións e puideron asistir a algunhas clases. Para o desenvolvemento destas xornadas contamos coa colaboración do alumnado titor do curso 23-24.



Outros acontecementos

A nosa facultade acolleu no primeiro cuadrimestre a tres estudantes de doutoramento da Université Assane SECK de Ziguinchor (Senegal), tres da Université Abdou Moumouni de Niamey (Níger), un da université des sciences juridiques et politiques de Bamako (Malí) e un da Université des Sciences Sociales et de Gestions de Bamako (Malí).



A súa estadía foi financiada polo programa Erasmus+ KA107. Unha experiencia enriquecedora para o noso centro que agardamos se manteña no tempo.

Ao longo do mes de febreiro publicáronse as convocatorias dos diferentes premios que a nosa facultade realiza periódicamente. Así, convocouse o Premio Fulget á empresa ou colectivo empresarial galego do ano, como se vén facendo dende o 2007, en recoñecemento á

Premio

FULGET 2023



á empresa ou colectivo
empresarial
galego do ano

Presentación de candidaturas:
Até 7 de marzo de 2024

Publicación de candidaturas:
8 de marzo

Presentación de apoios ás candidaturas:
Até 19 de marzo

Publicación da proposta de designación do premio:
Antes do 23 de marzo

Convoca:





II PREMIO DE INNOVACIÓN DOCENTE

Prazo de presentación
Até o 8 de marzo de 2024

Premio
Diploma acreditativo e dotación económica de 400 euros

Poden presentar candidaturas
Profesorado da Facultade con experiencia de innovación docente nos cursos 2020/21, 2021/22, 2022/23

Bases
<https://www.usc.gal/gl/centra/facultade-ciencias-economicas-empresariais/premio-innovacion-docente>

Convoca:

USC FACULTADE DE CIENCIAS ECONÓMICAS E EMPRESARIAIS

Ademais, dende o 2011 a nosa facultade convoca o premio CreArte na Universidade que busca apoiar o labor artístico que se desenvolve na nosa sociedade, premio que este ano alcanza a súa XIII edición.





TFG

Perspectiva de xénero

PREMIOS (IVª EDICIÓN)

Mª Carmen Guisán Seijas
Mª Xosé Rodríguez Galdo



TFM

Data límite de presentación:
8 de marzo de 2024

Premio:
250 euros, diploma, acreditativo e agasalho dun libro de pensamento clásico

Poden presentar candidaturas:
Alumnado que teña superado TFG ou TFM nos cursos 2021/22, 2022/23 e febreiro de 2023/24

Basas:
<https://www.usc.gal/gl/centro/facultadeciencias-economicas-empresariais/convocatorias-premios>

Convoca:



FACULTADE DE CIENCIAS ECONÓMICAS E EMPRESARIAIS

ECONTADE

Xornal da Facultade de Ciencias Económicas e Empresariais



Recoñecementos ao noso PDI

Diego Sande, profesor do departamento de Economía Aplicada, recibiu o Premio Manuel Colmeiro (XXVI edición) convocado pola Escola Galega de Administración Pública - EGAP da Xunta de Galicia, polo traballo titulado “As políticas rexionais de innovación empresarial en Galiza. Análise de resultados no tecido produtivo a través do fondo tecnolóxico”, de próxima publicación.



José Manuel Amoedo Meijide e María del Carmen Sanchez Carreira, foron galardoados co premio Valentín Paz Andrade de Investigación en Economía de Galicia convocado polo Instituto de Estudos e Desenvolvemento de Galicia da USC (IDEGA) e o Consello Económico e Social (CES). Recibiron este merecido premio, polo artigo ‘Os efectos iniciais da COVID-19 nas desigualdades de renda en Galicia e a súa distribución na sociedade’ publicado na Revista Galega de Economía.



Teses defendidas

Durante os meses de xaneiro e febreiro defendeuse a seguinte tese de doutoramento na nosa facultade:

- 'Localizando' a Axenda 2030: Análise dos determinantes da divulgación de información sobre os Obxectivos de Desenvolvemento Sostible polos concellos españois. Autor/a: Manuel Rieiro García; Dirección: Beatriz Aibar Guzmán, Cristina Aibar Guzmán.



Acordos relevantes das Comisións da Facultade

Comisión Redactora do Plan de Estudos do Grao en Economía:

- 31 de xaneiro: Acórdase solicitar aos departamentos as fichas das materias básicas, obrigatorias e optativas, priorizando no caso das optativas solicitadas.
- 9 de febreiro: A comisión acorda levar á Xunta de Facultade do 14 de febreiro unha proposta da estrutura do plan de estudos na que o alumnado deberá cursar 204 créditos de materias básicas e obrigatorias (de 6 créditos cada unha) e 36 créditos materias optativas (de 4.5 créditos). A oferta de optativas será de 18 materias das que o alumnado deberá cursar 8.
- 21 de febreiro: Debate sobre a estrutura do plan de estudos.
- 28 de febreiro: Apróbase a asignación de materias por curso e débátese sobre os resultados de aprendizaxe da titulación.

Comisión de modificación do Plan de Estudos do Grao en ADE:

- 12 de xaneiro: Análise de propostas alternativas e solicitude de reflexión sobre as mesmas.
- 2 de febreiro: Acádase un principio de acordo en relación coa estrutura do plan de estudos e acórdase levala á Xunta de Facultade do 14 de febreiro para a súa ratificación. Nesa proposta o alumnado deberá cursar 213 créditos de formación básica e obrigatoria (en materias de 6 e 4,5 créditos) e 27 créditos de materias optativas (de 4,5 créditos cada unha). Haberá unha oferta de 18 materias optativas de 4,5 créditos.
- 16 de febreiro: Preséntase unha simulación de partida do plan de estudos que recolle a distribución de materias por cursos e acórdase solicitar unha reflexión ás áreas sobre a mesma e a formulación de posibles cambios.

Comisión de Normalización Lingüística:


- 11 de xaneiro: Acordo sobre as propostas a remitir para as axudas do Servizo de Normalización Lingüística.
- 21 de febreiro: Aceptación das propostas por parte do Servizo de Normalización Lingüística. Acórdase comezar a súa organización.

Comisión de Xénero:

- 15 de febreiro: Realízase unha proposta de actividades a realizar na Facultade como motivo do Día Internacional da Muller.

Xunta de Facultade:

- 14 de febreiro: Apróbanse os principios de acordo de modificacións dos plans de estudos de ADE e de Economía.



Séguenos nas nosas redes sociais

